

BASES XVI CONCURSO DE TAPAS DE LUGO

1. PARTICIPANTES:

Poderán concursar todos os establecementos de hostalería do Concello de Lugo que estean inscritos no Rexistro de Establecementos e Actividades Turísticas da Xunta de Galicia (REAT).

2. COTA DE INSCRIPCIÓN:

A cota de inscrición no concurso será de **100,00 € para os asociados de APEHL** (que estén ó día no pagamento das cotas e sexan asociados antes do día 1 de xaneiro de 2020 e os asociados que non teñan esta antigüidade pagarán a cuota de 100 € por ser asociados máis as cotas dos meses que non figuren dados de alta desde xaneiro ata a data de alta como asociado), e de **300,00 € para os que non estean asociados na APEHL**.

As cotas irán destinadas á organización do concurso.

No caso de que non se puidese desenvolver o XVI Concurso de Tapas, procederase á devolución da cota de inscrición.

3. REQUISITOS DE PARTICIPACIÓN:

- A. Cada establecemento participará cunha única tapa. Na ficha técnica indicárase o nome da tapa e a súa descrición, acompañada da fotografía da tapa que se vai a servir durante o concurso.
- B. O prezo de venda ao público terá un valor a criterio do hostaleiro que será entre 1,00 € e 3,00 €.
- C. As tapas deberán estar dispoñibles para o público **como mínimo de 13:00 a 15:30 horas e de 20:00 a 22:30 horas**.
- D. **A información do nome da tapa e prezo, así como o sistema de votación realizaranse polo medio que mellor se adapte á normativa vixente no momento da celebración do concurso.**

E. As categorías de valoración serán as seguintes:

- Xurado popular:
 - Gañador do Concurso (Tapa máis votada polo público)
- Xurado técnico
 - Primeiro premio
 - Segundo premio
 - Terceiro premio
 - Posibles maridaxes (Estrella Galicia, Ribeira Sacra, etc...)

4. DESENROLO DO CONCURSO:

4.1. INSCRICION:

O prazo de inscrición será do **29 de xuño ao 16 de xullo** (ambos inclusive) por medio de E-Mail: comunicacion@apehl.org e achegarase a seguinte documentación:

- **Ficha de inscrición**
- **Ficha técnica da tapa**
- **Xustificante de pago e a fotografía da tapa.** A fotografía debe ser da máxima calidade e as características mínimas admisibles son: 210 mm x 150 mm con resolución de 300ppp.

4.2. FASES DO CONCURSO:

- CONCURSO: desenvolverase desde o día **4 ao 20 de setembro de 2020**, ambos inclusive.
- FINAL DO CONCURSO: Nesta fase só participarán os **12 establecementos máis votados polo público** e terá lugar os días **25, 26 e 27 de setembro de 2020**.

5. RECONTO DE VOTOS E VALORACIÓNS

O sistema de votación queda pendente e realizarase polo medio que mellor se adapte á normativa vixente.

6. FINAL DO CONCURSO:

Nesta fase, **os días 25, 26 e 27 de setembro, os 12 establecementos finalistas deberán ter as tapas dispoñibles para o público como mínimo de 13:00 a 15:30 horas e de 20:00 a 22:30 horas.** Os clientes poderán degustar as tapas pero non poderán votar e os establecementos serán valorados por un xurado técnico.

7. PROTECCIÓN DE DATOS:

Infórmase que a Asociación Provincial de Empresarios de Hostelería e Turismo de Lugo (en diante APHEL) cumpre coa normativa vixente de protección de datos.

Os datos persoais que se inclúan na ficha de inscrición facilitada por APEHL serán empregados para xestionar o concurso e a entrega dos premios, así como dar publicidade á imaxe e nome dos gañadores nos medios de comunicación, páxina web e redes sociais, dando o interesado o consentimento expreso e explícito para cada unha das finalidades indicadas no momento que se cumprimente e entregue a ficha de inscrición.

APEHL poderá autorizar a terceiros, que actuarán como encargados de tratamento coas mesmas finalidades e poder xestionar o correcto desenvolvemento da presente promoción, para ampliar esta información; así como outros puntos da normativa pode solicitar o ANEXO DE PRIVACIDADE.

Calquera interesado poderá exercer os seus dereitos, solicitándoo en C/ Ramón Montenegro, 15 Entlo. 27002 Lugo, presentar unha reclamación ante calquera autoridade de control, así como a retirar o consentimento que nos fora outorgado nalgunha finalidade específica.

Todos os datos solicitados na ficha de inscrición, incluída a imaxe do gañador, son necesarios para a realización do tratamento sendo un requisito necesario para a participación no concurso, en caso de non facilitalos ou non autorizar ao seu uso pode dar lugar a posibles consecuencias, se os gañadores opóñense a algunha das finalidades detalladas anteriormente, APEHL resérvase o dereito de non realizar a entrega do premio e perderán o dereito para recibilo.

O incumprimento de calquera dos puntos anteriormente relacionados será motivo de exclusión deste concurso.

Debido á situación epidemiolóxica existente, as bases deste XVI Concurso de Tapas de Lugo poderá sufrir variacións para respectar as medidas de seguridade propostas polas autoridades sanitarias e cumprir coa normativa vixente.